

弗同座而坐為第二伴時二正士共論議已各從座起而去

二末

雜阿含經卷第十八

盛八

梘於革反掉悔上徒反垢膩下尼反刺七泗反膠音交溢反練若下而反輸語朱反翻胡華反舒展上音書鹿

澀上舍胡反鋸解上音據柱直主反築音竹喘尺軟反脅虛業反浚相俊反

雜阿含經卷第十九

盛九

宋天竺三藏求那跋陀羅譯

如是我聞一時佛住王舍城迦蘭陀竹園亦時尊者大目捷連在耆闍崛山時釋提桓因居上妙堂觀於夜來詣尊者大目捷連所稽首禮足退坐一面時釋提桓因光明普照著

黃斌

閣崛山周市大明亦時釋提桓因坐已即說偈言

能伏於慳垢 大德隨時施 是名施中賢 來世見殊勝

時大目捷連問帝釋言憍尸迦云何為調伏慳垢見於殊勝而汝說言

能調伏慳垢 大德隨時施 是則施中賢 來世見殊勝

時天帝釋答言尊者大目捷連勝婆羅門大姓勝利利大姓勝長者大姓勝四天王勝三十三天誓首敬禮故尊者大目捷連我為勝婆羅門大姓勝利利大姓勝長者大姓勝四

王天勝三十三天恭敬作禮見斯果報故說此偈復次尊者大目捷連乃至日所周行照於諸方至千世界千日月千日千須彌山王千弗婆提舍千鬱多羅提舍千瞿陀尼迦千閻浮提千四天王千三十三天千燄摩天千兜率陀天千化樂天千他化自在天千梵天名

爲小千世界此小千世界中無有堂觀與毗  
闍延堂觀等者毗闍延有百一樓觀觀有七  
重重有七房房有七天后后各七侍女尊者  
大目捷連於小千世界無有如是堂觀端嚴  
如毗闍延者我見是調伏慳故有此妙果故  
說斯偈大目捷連語帝釋言善哉善哉憍尸

迦汝能見此勝妙果報而說斯偈時天帝釋  
聞尊者大目捷連所說歡喜隨喜忽然不現  
如是我聞一時佛住王舍城時尊者大目捷  
連在耆闍崛山中介時尊者大目捷連獨一  
靜處禪思作是念若有時釋提桓因於界隔  
山石窟中間世尊愛盡解脫之義世尊爲說

聞已隨喜似欲更有所問義我今當往問其  
喜意作是念已如力士屈伸臂頃於耆闍崛  
山沒至三十三天去一分陀利池不遠而住  
時天帝釋與五百婁女遊戲浴池有諸天女  
音聲美妙尔時帝釋遙見尊者大目捷連語  
諸天女言莫歌莫歌時諸天女即便默然天

盛九

二

帝釋即詣尊者大目捷連所稽首禮足退住  
一面尊者大目捷連問帝釋言汝先於界隔  
山中間世尊愛盡解脫義聞已隨喜汝意云  
何爲聞說隨喜爲更欲有所問故隨喜耶天  
帝釋語尊者大目捷連我三十三天多著放  
逸樂或憶先事或時不憶世尊今在王舍城

迦蘭陀竹園尊者欲知我先界隔山中所問  
事者今可往問世尊如世尊說汝當受持然  
我此處有好堂觀新成未久可入觀看時尊  
者大目捷連默然受請即與天帝釋共入堂  
觀彼諸天女遙見帝釋來皆作天樂或歌或  
舞諸天女輩著身瓔珞莊嚴之具出妙音聲  
合於五樂如善作樂音聲不異諸天女輩既  
見尊者大目捷連悉皆慚愧入室藏隱時天  
帝釋語尊者大目捷連觀此堂觀地好平正  
其壁柱梁重閣窓牖羅網簾障悉皆嚴好尊  
者大目捷連語帝釋言憍尸迦先修善法福  
德因緣成此妙果如是帝釋三白稱歎問尊

者大目捷連尊者大目捷連亦再三答時尊者大目捷連作是念今此帝釋極自放逸著界神住歎此堂觀我當令彼心生厭離即入三昧以神通力以一足指撥其堂觀悉令震動時尊者大目捷連即沒不現諸天女衆見此堂觀震掉動搖顛沛恐怖東西馳走白帝

盛九

三

釋言此是憍尸迦大師有此大功德力耶時天帝釋語諸天女此非我師是大師弟子大目捷連梵行清淨大德大力者諸天女言善哉憍尸迦乃有如此梵行大德大力同學大師德力當復如何如是我聞一時佛住三十三天驄色虛軟石

上去波梨耶多羅拘毗陀羅香樹不遠夏安居爲母及三十三天說法尔時尊者大目捷連在舍衛國祇樹給孤獨園安居時諸四衆詣尊者大目捷連所誓首禮足退坐一面向白尊者大目捷連知世尊夏安居處不尊者大目捷連答言我聞世尊在三十三天驄色虛

軟石上去波梨耶多羅拘毗陀羅香樹不遠夏安居爲母及三十三天說法時諸四衆聞尊者大目捷連所說歡喜隨喜各從座起作禮而去

時諸四衆過三月安居已復詣尊者大目捷連所誓首禮足退坐一面時尊者大目捷連爲諸四衆種種說法示教照喜示教照喜已默然而住時諸四衆從座而起誓首作禮白尊者大目捷連尊者大目捷連當知我等不見世尊已久衆甚虛渴欲見世尊尊者大目捷連若不憚勞者願爲我等往詣三十三天普爲我等問訊世尊少病少惱起居輕利安樂住不又白世尊聞浮提四衆願見世尊而無神力昇三十三天禮敬世尊三十三天自有神力來下人中唯願世尊還閻浮提以哀愍故時尊者大目捷連默然而許時諸四衆知尊者大目捷連默然許已各從座起作禮而去尔時尊者大目捷連知四衆去已即入

三昧如其正受如大力士屈伸臂頃從舍衛國沒於三十三天驪色虛軟石上去波梨耶多羅拘毗陀羅香樹不遠而現

爾時世尊與三十三天衆無量眷屬圍繞說法時尊者大目捷連遙見世尊踊躍歡喜作是念今日世尊諸天大衆圍繞說法與閻浮

盛九

四

提衆會不異

爾時世尊知尊者大目捷連心之所念語尊者大目捷連言大目捷連非爲自力我欲爲諸天說法彼即來集欲令其去彼即還去彼隨心來隨心去也

爾時尊者大目捷連替首佛足退坐一面向

世尊言種種諸天大衆雲集彼天衆中有曾從佛世尊聞所說法得不壞淨身壞命終來生於此佛告尊者大目捷連如是如是此中種種諸天來雲集者有從宿命聞法得佛不壞淨法僧不壞淨聖戒成就身壞命終來生於此時天帝釋見世尊與尊者大目捷連歎

說諸天衆共語已語尊者大目捷連如是如是尊者大目捷連此中種種衆會皆是宿命曾聞正法得於佛不壞淨法僧不壞淨聖戒成就身壞命終來生於此時有異比丘見世尊與尊者大目捷連及天帝釋語言善相述可已語尊者大目捷連如是如是尊者大目

捷連是中種種諸天來會此者皆是宿命曾聞正法得於佛不壞淨法僧不壞淨聖戒成就身壞命終而來生此時有一天子從座起整衣服偏袒右肩合掌白佛世尊我亦成就於佛不壞淨故來生此復有天子言我得法不壞淨有言得僧不壞淨有言聖戒成就故

盛九

五

來生此如是諸天無量千數於世尊前各自記說得須陀洹法悉於佛前即沒不現時尊者大目捷連知諸天衆去不久從座起整衣服偏袒右肩白佛言世尊閻浮提四衆替首敬禮世尊足問評世尊少病少惱起居輕利安樂住不四衆思慕願見世尊又白世尊我

等人間無有神力昇三十三天禮覲世尊然彼諸天有大德力悉能來下至閻浮提唯願世尊還閻浮提愍四衆故佛告目捷連汝可還彼語閻浮提人却後七日世尊當從三十三天還閻浮提僧迦舍城於水門外優曇鉢樹下尊者大目捷連受世尊教即入三昧譬

如力士屈伸臂頃從三十三天沒至閻浮提告諸四衆諸人當知世尊却後七日從三十三天還閻浮提僧迦舍城於水門外優曇鉢樹下如期七日世尊從三十三天下閻浮提僧迦舍城優曇鉢樹下天龍鬼神乃至梵天悉從來下即於此時名此會名天下處

如是我聞一時佛住王舍城迦蘭陀竹園時有四十天子來詣尊者大目捷連所誓首作禮退坐一面時尊者大目捷連語諸天子言善哉諸天子於佛不壞淨成就法僧不壞淨成就時四十天子從座起整衣服偏袒右肩合掌白尊者大目捷連我等於佛不壞淨於

法僧不壞淨聖戒成就故生天上有一天言得於佛不壞淨有言得法不壞淨有言得僧不壞淨有言聖戒成就身壞命終得生天上時四十天子於尊者大目捷連前各自記說得須陀洹即沒不現如四十天子如是四百八百十千天子亦如是說

如是我聞一時佛住王舍城迦蘭陀竹園時尊者大目捷連與尊者勒叉那比丘共在耆闍崛山中尊者勒叉那晨朝詣尊者大目捷連所語尊者大目捷連共出耆闍崛山入王舍城乞食時尊者大目捷連默然而許即共出耆闍崛山入王舍城乞食行至一處尊者

盛九

六

大目捷連心有所念欣然微笑尊者勒叉那見微笑已即問尊者大目捷連言若佛及佛弟子欣然微笑非無因緣尊者今日何因何緣而發微笑尊者大目捷連言所問非時且入王舍城乞食還於世尊前當問是事是應時問當為汝說時尊者大目捷連與尊者勒

又那入王舍城乞食而還洗足舉衣鉢俱詣佛所誓首佛足退坐一面尊者勒又那問尊者大目捷連我今晨朝與汝共出耆闍崛山乞食汝於一處欣然微笑我即問汝微笑因緣汝答我言所問非時今復問汝何因何緣欣然微笑尊者大目捷連語尊者勒又那我

路中見一衆生身如樓閣啼哭號呼憂悲苦痛乘虛而行我見是已作是思惟如是衆生得如此身而有如是憂悲大苦故發微笑爾時世尊告諸比丘善哉善哉我聲聞中實眼實知實義實法決定通達見是衆生我亦見此衆生而不說者恐人不信所以者何如來所說有不信者是愚癡人長夜受苦佛告諸比丘過去世時彼大身衆生在此王舍城爲屠牛兒以屠牛因緣故於百千歲墮地獄中從地獄出有屠牛餘罪得如是身常受如是憂悲苦惱如是諸比丘如尊者大目捷連所見不異汝等受持佛說此經已諸比丘聞

盛九

七

佛所說歡喜奉行

如是我聞一時佛住王舍城迦蘭陀竹園介時尊者大目捷連與尊者勒又那在耆闍崛山尊者勒又那於晨朝時詣尊者大目捷連所語尊者大目捷連共出耆闍崛山入王舍城乞食尊者大目捷連默然而許即共出耆闍崛山入王舍城乞食行至一處尊者大目捷連心有所念欣然微笑尊者勒又那見尊者大目捷連微笑即問言尊者若佛及佛聲聞弟子欣然微笑非無因緣尊者今日何因何緣而發微笑尊者大目捷連言所問非時且乞食還於世尊前當問是事是應時問尊者大目捷連與尊者勒又那共入城乞食食已還洗足舉衣鉢俱詣佛所誓首佛足退坐一面尊者勒又那問尊者大目捷連我今晨朝與汝共入王舍城乞食汝於一處欣然微笑我即問汝何因緣笑汝答我言所問非時我今問汝何因何緣欣然微笑尊者大目捷

連語尊者勒又那我於路中見一衆生筋骨相連舉身不淨臭穢可厭烏鴉鷓鴣野干餓狗隨而攫食或從脅肋探其內藏而取食之極大苦痛啼哭號呼我見是已心即念言如是衆生得如是身而受如是不饒益苦

爾時世尊告諸比丘善哉比丘我聲聞中住實眼實智實義實法決定通達見如是衆生我亦見是衆生而不說者恐不信故所以者何如來所說有不信者是愚癡人長夜當受不饒益苦諸比丘是衆生者過去世時於此王舍城屠牛弟子緣屠牛罪故已百千歲墮地獄中受無量苦彼屠牛惡行餘罪緣故今

得此身續受如是不饒益苦諸比丘如大目捷連所見真實不異汝等受持佛說此經已諸比丘聞佛所說歡喜奉行

如是我聞一時佛住王舍城迦蘭陀竹園尊者大目捷連與尊者勒又那在耆闍崛山中尊者勒又那於晨朝時詣尊者大目捷連所

盛九

八

語尊者大目捷連共出耆闍崛山入王舍城乞食尊者大目捷連默然而許即共出耆闍崛山入王舍城乞食行至一處尊者大目捷連心有所念欣然微笑尊者勒又那見尊者大目捷連微笑即問言尊者若佛及佛聲聞弟子欣然微笑非無因緣尊者今日何因何緣而發微笑尊者大目捷連言所問非時且乞食還於世尊前當問是事是應時問尊者大目捷連與尊者勒又那共入城乞食已還洗足舉衣鉢俱詣佛所稽首佛足退坐一面尊者勒又那問尊者大目捷連我今晨朝共入王舍城乞食汝於一處欣然微笑我即問汝微笑因緣汝答我言所問非時我今問汝何因何緣欣然微笑尊者大目捷連語勒又那我於路中見一大衆生舉身無皮純一肉段乘空而行烏鴉鷓鴣野干餓狗隨而攫食或從脅肋探其內藏而取食之苦痛切迫啼哭號呼我即思惟如是衆生得如是身乃受

如是不饒益苦佛告諸比丘善哉比丘我聲聞中住實眼實智實義實法決定通達見是衆生我亦見是衆生而不說者恐不信故所以者何如來所說有不信者是愚癡人長夜當受不饒益苦諸比丘是衆生者過去世時於此王舍城爲屠羊者緣斯罪故已百千歲

盛九

九

墮地獄中受無量苦今得此身餘罪緣故續受斯苦諸比丘如大目捷連所見真實無異汝等受持佛說此經已諸比丘聞佛所說歡喜奉行

如是我聞一時佛住王舍城乃至尊者大目捷連於路中見一大身衆生舉體無皮形如脯腊乘虛而行乃至佛告諸比丘此衆生者過去世時於此王舍城爲屠羊弟子屠羊罪故已百千歲墮地獄中受無量苦今得此身續受斯罪諸比丘如大目捷連所見真實無異當受持之佛說此經已諸比丘聞佛所說歡喜奉行

如是我聞一時佛住王舍城乃至路中見一大身衆生舉體無皮形如肉段乘虛而行乃至佛告諸比丘此衆生者過去世時於此王舍城自墮其胎緣斯罪故墮地獄中已百千歲受無量苦以餘罪故今得此身續受斯苦諸比丘如大目捷連所見真實無異當受持

之佛說此經已諸比丘聞佛所說歡喜奉行如是我聞一時佛住王舍城乃至尊者大目捷連於路中見一大身衆生舉體生毛毛如大針針皆火然還燒其體痛徹骨髓乃至佛告諸比丘此衆生者過去世時於此王舍城惡調象士緣斯罪故已百千歲墮地獄中受無量苦地獄餘罪今得此身續受斯苦諸比丘如大目捷連所見真實無異當受持之佛說此經已諸比丘聞佛所說歡喜奉行如調象士如是調馬士調牛士好讒人者及諸種種苦切人者亦復如是如是我聞一時佛住王舍城乃至尊者大目

捷連於路中見一大身衆生舉身上毛毛利如刀其毛火然還割其體痛徹骨髓乃至佛告諸比丘此衆生者過去世時於此王舍城好樂戰諍刀劍傷人已百千歲墮地獄中受無量苦地獄餘罪今得此身續受斯苦諸比丘如目捷連所見真實不異當受持之佛說

盛九

十

此經已諸比丘聞佛所說歡喜奉行

如是我聞一時佛住王舍城乃至尊者大目捷連於路中見一大身衆生遍身生毛其毛似箭皆悉火然還燒其身痛徹骨髓乃至佛告諸比丘此衆生者過去世時於此王舍城曾爲獵師射諸禽獸緣斯罪故已百千歲墮地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如是我聞一時佛住王舍城乃至我於路中見一大身衆生舉體生毛毛如積矛毛悉火

然還燒其身痛徹骨髓乃至佛告諸比丘此衆生者過去世時於此王舍城爲屠猪人積殺群猪緣斯罪故已百千歲墮地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如是我聞一時佛住王舍城乃至我於路中見一大身無頭衆生兩邊生目曾前生口身常流血諸蟲噉食痛徹骨髓乃至佛告諸比丘此衆生者過去世時於此王舍城好斷人頭緣斯罪故已百千歲墮地獄中受無量苦今得此身續受斯苦諸比丘如大目捷連所

盛九

十一

見真實不異當受持之佛說此經已諸比丘聞佛所說歡喜奉行

如斷人頭捉頭亦復如是

如是我聞一時佛住王舍城乃至我於路中見一衆生陰卵如瓮坐則踞上行則肩擔乃至佛告諸比丘此衆生者過去世時於王舍

城作鍛銅師偽器欺人緣斯罪故已地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行如鍛銅師如是斗秤欺人村主市監亦復如是

如是我聞一時佛住王舍城乃至路中見一衆生以銅鐵羅網自纏其身火常熾然還燒其體痛徹骨髓乘虛而行佛告諸比丘此衆生者過去世時於此王舍城爲捕魚師緣斯罪故已地獄中受無量苦地獄餘罪今受此身續受斯苦諸比丘如大目捷連所見真實

當受持之佛說此經已諸比丘聞佛所說歡喜奉行

如捕魚師捕鳥網兔亦復如是

如是我聞一時佛住王舍城乃至路中見一衆生頂有鐵磨盛火熾然轉磨其頂乘虛而行受無量苦乃至佛告諸比丘此衆生者過

去世時於此王舍城爲卜占女人轉勅卜占欺妄惑人以求財物緣斯罪故已地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行如是我聞一時乃至路中見一衆生其身獨

轉猶若旋風乘虛而行乃至佛告諸比丘此衆生者過去世時於此王舍城爲卜占師誤惑多人以求財物緣斯罪故已地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

盛九

十二

如是我聞一時佛住王舍城乃至路中見一衆生偃身藏行狀如恐怖舉體被服悉皆火然還燒其身乘虛而行佛告諸比丘此衆生者過去世時於此王舍城好行他姪緣斯罪故已地獄中受無量苦地獄餘罪今得此身續受斯苦諸比丘如大目捷連所見真實不

異當受持之佛說此經已諸比丘聞佛所說歡喜奉行

如是我聞一時佛住波羅柰仙人住處鹿野苑中時尊者大目捷連尊者勒又那比丘晨朝共入波羅柰城乞食於路中尊者大目捷連思惟顧念欣然微笑時尊者勒又那白尊

者大目捷連言世尊及世尊弟子欣然微笑必有因緣何緣尊者今日欣然微笑尊者大目捷連語尊者勒又那此非時問且乞食還詣世尊前當問此事時俱入城乞食還洗足舉衣鉢俱詣世尊稽首禮足退坐一面時尊者勒又那問尊者大目捷連晨朝路中何因

何緣欣然微笑尊者大目捷連語尊者勒又那我於路中見一大身衆生舉體膿壞臭穢不淨乘虛而行烏鴉鷓鴣野干餓狗隨逐撲食啼哭號呼我念衆生得如是身受如是苦一何痛哉佛告諸比丘我亦見此衆生而不說者恐不信故所以者何如來所說有不信

盛九

十二

者是愚癡人長夜受苦此衆生者過去世時於此波羅柰城爲女人賣色自活時有比丘於迦葉佛所出家彼女人以不清淨心請彼比丘比丘直心受請不解其意女人瞋恚以不淨水灑比丘身緣斯罪故已地獄中受無量苦地獄餘罪今得此身續受斯苦諸比丘

如大目捷連所見真實不異當受持之佛說是經已諸比丘聞佛所說歡喜奉行

如是我聞一時佛住波羅柰國仙人住處鹿野苑中乃至我於路中見一大身衆生舉體火然乘虛而行啼哭號呼受諸苦痛乃至佛告諸比丘此衆生者過去世時於此波羅柰城爲自在王第一夫人與王共宿起瞋恚心以然燈油灑王身上緣斯罪故已地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說是經已諸比丘聞佛所說歡喜奉行如是我聞一時佛住波羅柰國仙人住處鹿

野苑中乃至尊者大目捷連言我於路中見一衆生舉體糞穢以塗其身亦食糞穢乘虛而行臭穢苦惱啼哭號呼乃至佛告諸比丘此衆生者過去世時於此波羅柰城爲自在王師婆羅門以憎嫉心請迦葉佛聲聞僧以糞著飯下試惱衆僧緣斯罪故已地獄中受

無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園乃至尊者大目捷連言我於路中見一大身衆生頭上有大銅鑊熾然滿中洋銅流灌身

體乘虛而行啼哭號呼乃至佛告諸比丘此衆生者過去世時於此舍衛國迦葉佛所出家爲知事比丘有檀越送油應付諸比丘時有衆多客比丘知事比丘不時分油待客比丘去然後乃分緣斯罪故已地獄中受無量苦地獄餘罪今得此身續受斯苦諸比丘如

盛九

十四

大目捷連所見真實不異佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園乃至尊者大目捷連言我於路中見一大身衆生有熾熱鐵丸從身出入乘虛而行苦痛切迫啼哭號呼乃至佛告諸比丘此衆生者過去世時於此舍衛國迦葉佛法中出家作沙彌次守衆僧果園盜取七果持奉和尚緣斯罪故已地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如是我聞一時佛住舍衛國乃至尊者大目捷連言我於路中見一大身衆生其舌廣長見有利斧燄火熾然以斫其舌乘虛而行啼哭號呼乃至佛告諸比丘此衆生者過去世時於此舍衛國迦葉佛法中出家作沙彌以斧斫石蜜供養衆僧著斧刃者盜取食之緣

斯罪故入地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如是我聞一時佛住舍衛國乃至尊者大目捷連言我於路中見是大身衆生有雙鐵輪

盛九

十五

在兩脅下熾然旋轉還燒其身乘虛而行啼哭號呼乃至佛告諸比丘此衆生者過去世時於此舍衛國迦葉佛法中出家作沙彌持石蜜餅供養僧盜取二餅著於腋下緣斯罪故已地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如是我聞一時佛住舍衛國乃至尊者大目捷連言我於路中見一大身衆生以熾然鐵鏃以纏其身衣被淋卧悉皆熱鐵炎火熾然食熱鐵九乘虛而行啼哭號呼乃至佛告諸

比丘此衆生者過去世時於此舍衛國迦葉佛法中出家作比丘爲衆僧乞衣食供僧之餘輒自受用緣斯罪故已地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如比丘如是比丘尼式叉摩那沙彌沙彌尼優婆塞優婆夷亦復如是

如是我聞一時佛住舍衛國乃至尊者大目捷連言我於路中見一大身衆生熾然鐵車而駕其頸拔其頸筋及連四脚筋以鞅其頸行熱鐵地乘虛而去啼哭號呼乃至佛告諸比丘此衆生者過去世時於此舍衛國駕乘牛車以自生活緣斯罪故於地獄中受無量苦地獄餘罪今得此身續受斯苦諸比丘如大目捷連所見真實不異當受持之佛說此經已諸比丘聞佛所說歡喜奉行

如是我聞一時佛住舍衛國乃至尊者大目

捷連言我於路中見一大身衆生其舌長廣  
熾然鐵釘以釘其舌乘虛而行啼哭號呼乃  
至佛告諸比丘此衆生者過去世時於此舍  
衛國迦葉佛法中出家作比丘爲摩摩帝呵  
責諸比丘言諸長老汝等可去此處儉薄不  
能相供各隨意去求豐樂處饒衣食所衣食

盛九

十六

床卧應病湯藥可得不乏先住比丘悉皆捨  
去客僧聞之亦復不來緣斯罪故已地獄中  
受無量苦地獄餘罪今得此身續受斯苦諸  
比丘如大目捷連所見真實不異當受持之  
佛說此經已諸比丘聞佛所說歡喜奉行  
如是我聞一時佛住舍衛國乃至尊者大目

捷連言我於路中見一大身衆生比丘之像  
皆著鐵鉢以爲衣服舉體火然亦以鐵鉢盛  
熱鐵丸而食之乃至佛告諸比丘此衆生者  
過去世時於此舍衛國迦葉佛法中出家作  
比丘作摩摩帝惡口形名諸比丘或言此是  
惡禿此惡風法此惡衣服以彼惡口故先住

者去未來不來緣斯罪故已地獄中受無量  
苦地獄餘罪今得此身續受斯苦諸比丘如  
大目捷連所見真實不異當受持之佛說此  
經已諸比丘聞佛所說歡喜奉行

如是我聞一時佛住舍衛國乃至佛告諸比  
丘此衆生者過去世時於此舍衛國迦葉佛

法中出家作比丘好起諍訟鬪亂衆僧作諸  
口舌令不和合先住比丘厭惡捨去未來者  
不來緣斯罪故已地獄中受無量苦地獄餘  
罪今得此身續受斯苦諸比丘如大目捷連  
所見真實不異當受持之佛說此經已諸比  
丘聞佛所說歡喜奉行

盛九

十七

如是我聞一時佛住舍衛國祇樹給孤獨園  
尔時尊者阿那律住松林精舍時尊者大目  
捷連住跋祇聚落失收摩羅山恐怖稠林禽  
獸之處時尊者阿那律獨一靜處禪思思惟  
作是念有一乘道淨衆生離憂悲滅苦惱得  
真如法所謂四念處何等爲四身身觀念處

受心法法觀念處若於四念處遠離者於賢聖法遠離於賢聖法遠離者於聖道遠離聖道遠離者於甘露法遠離甘露法遠離者則不能脫生老病死憂悲惱苦若於四念處信樂者於聖法信樂聖法信樂者於聖道信樂聖道信樂者於甘露法信樂甘露法信樂者得脫生老病死憂悲惱苦尔時尊者大目犍連知尊者阿那律心之所念如力士屈伸臂頃以神通力於跋祇聚落失收摩羅山恐怖稠林禽獸之處没至舍衛城松林精舍尊者阿那律前現語阿那律言汝獨一靜處禪思思惟作是念有一乘道令衆生清淨離生老病死憂愁惱苦得真如法所謂四念處何等爲四身身觀念處受心法法觀念處若於四念處不樂者於賢聖法不樂聖法不樂者於聖道不樂不樂聖道者於甘露法亦不樂不樂甘露法者則不能脫生老病死憂悲惱苦若於四念處信樂者樂賢聖法樂聖法者

樂於聖道樂聖道者得甘露法得甘露法者得脫生老病死憂悲惱苦耶尊者阿那律語尊者大目犍連言如是如是尊者大目犍連語尊者阿那律言云何名爲樂四念處尊者大目犍連若比丘身身觀念處心緣身正念住調伏止息寂靜一心增進如是受心法念處正念住調伏止息寂靜一心增進尊者大目犍連是名比丘樂四念處時尊者大目犍連即如其像三昧正受從舍衛國松林精舍没還至跋祇聚落失收摩羅山恐怖稠林禽獸之處

如是我聞一時佛住舍衛國祇樹給孤獨園乃至尊者大目犍連問尊者阿那律云何名爲四念處修習多修習尊者阿那律語尊者大目犍連言若比丘於內身起厭離想於內身起不厭離想厭離不厭離俱捨想正念正知如內身如是外身內外身內受外受內外受內心外心內外心內法外法內外法作厭

離想不厭離想厭離不厭離俱捨想住正念  
正知如是尊者大目捷連是名四念處修習  
多修習時尊者大目捷連即入三昧從舍衛  
國松林精舍入三昧神通力如力士屈伸臂  
頃還到跋祇聚落失收摩羅山恐怖稠林禽  
獸住處

十末

雜阿含經卷第十九

盛九

撒普減憚徒且烏鴉下尺攬居縛脅肋上虛  
勤下音探反土含脯腊甫昔讓反助合積七亂嚏  
食甲上所反瓮反於貢鍛丁亂鐵磨下去偃高主苑  
反烏阮腋亦音頸居領鞅於兩鏃音禿他谷跋末  
反稠直流

雜阿含經卷第二十

盛十

宋天竺三藏求那跋陀羅譯

如是我聞一時佛住舍衛國祇樹給孤獨園  
尔時尊者大目捷連尊者阿那律住舍衛國  
手成浴池側尊者舍利弗詣尊者阿那律所  
共相問訊慰勞已於一面坐尊者舍利弗語

周忠

尊者阿那律言奇哉阿那律有大德神力於  
何功德修習多修習而能致此尊者阿那律  
語尊者舍利弗言於四念處修習多修習成  
此大德神力何等為四念處內身身觀念處  
精勤方便正念正知調伏世間貪憂如是外  
身內外身內受外受內外受內心外心內外  
心內法外法內外法觀念處精勤方便正念  
正知如是調伏世間貪憂尊者舍利弗是名  
四念處修習多修習成此大德神力尊者舍  
利弗我於四念處善修習故於小千世界少  
作方便能遍觀察如明目士夫於樓觀上觀  
下平地種種之物我少作方便觀察小千世  
界亦復如是如是我於四念處修習多修習  
成此大德神力時二正士共論議已各從座  
起而去  
如是我聞一時佛住舍衛國祇樹給孤獨園  
尊者舍利弗尊者大目捷連尊者阿難尊者  
阿那律住舍衛國尔時尊者大目捷連詣尊